

甘肅府縣志輯

中國地方志集成

嘉靖河州志
民國和政縣志

中國地方志集成

甘肅府縣志輯 (40)

嘉靖河州志

康熙河州志

民國和政縣志

鳳凰出版社 ● 上海書店 ● 巴蜀書社

河州志序

嘉靖乙卯余以山東憲副左遷河祗奉

明命固敢怠馳夏五月中即趨關中望華嶽涉涇渭獲覽岐豐之秀作而嘆曰茲文武丕顯丕承之都也郁郁乎盛哉既而踰汧臨至成紀尋登秦川卦爻之臺作而嘆曰茲羲皇繼天立極之區也蕩蕩乎迭哉由鳥鼠汧涎梁而抵河湟縱觀形勝西峙積石北距河源雄圖天險控番虜而藩秦隴輾然而喜曰美哉山河之固也茲神禹疏導之動乎且風氣嚴凝民俗朴淳其視諸邊郡迥

河州志序

一

世保堂刊

乎不同謹按舊章敬飭新度悼五典修六事歲時終而政頗緒焉詰諸左右曰河固陝重地也道久化咸寧無文獻可徵耶迺獲豐惠而披閱之於疆域見廣博焉於方物見繁富焉於文獻見克輝焉河之大觀備矣夫志史類也究志而君子達政焉是故志之所載天地人物之精實也緣是以勵行則本立而天道可睹矣利順而地道可因矣養遂而民生可厚矣施均而民政可平矣俗成而民志可一天德新而民性可復矣才用等辯而民治可久矣居安無變而民義不匱矣修此數者以輝

政焉不亦善乎然道有升降政由俗革通變之機存乎人耳維時閭里蕭條民隱可矜也人情幻妄風俗可移也外據內固兵食可籌也吏茲土者烏得宴然矣乎嗚呼考古所以鑒今知禮所以稽政嘉雅西之勝槩以叙昭代之憲章余方志以考訂焉適有隴右分巡之寄遂書此以付學篋同志者種而修之亦足以見吾志之所有時

嘉靖丙辰仲夏五日

賜進士出身奉政大夫整飭鞏昌等處分巡隴右道陝西

按察司僉事古吳在菴周臣撰

河州志序

海岱龍洋子於嘉靖甲辰秋八月戊子入河州翼日已丑謁諸廟又翼日庚寅登鎮邊樓以觀民風於是喟然歎曰大矣哉河州之形勝可甲天下美矣哉邊陲之人物不異中州遂進諸生而問曰嘗考是郡即古西羌地也而形勝人物如是豈一變至道與諸士子吳調元等應曰其所由來者漸矣蓋聖王能治天下之治者一道德以同俗也與今自秦漢以來置郡立縣卑升之風革而華夏之統正矣迨我

河州志序

三

作德堂刊

明興治道隆盛禮樂文章四達而不悖邊陲中土一變而咸亨由是一方人物遵道遵路者殆非一日也龍洋子曰如子之云則與中州無異若之何而弗志以永文獻之傳耶是志之脩否而所係爲匪輕矣將見君子量之以隆殺其禮小民量之以順逆其心四隣量之以厚薄其情八方量之以美刺其說達虜量之以出沒其境番夷量之以強弱其謀無志則無州矣是可以弗作乎爾諸生其採擇於遺編斷簡之中咨詢於耆英庶老之口汲汲乎協恭而備錄之余將有所據以爲志焉調元遂

河州志序

四

世德堂刊

出先人亦樂子所遺志稿以獻披閱至五見其書人有據紀事有原稽古正今分條析類宛乎班馬之家法若足徵於後世矣亦樂子遠大之見惇雅之學不亦可嘉也哉不亦可傳也哉自今觀之本於風土輿地記志地里也本於一統陝西總志志建置也本於禹貢志田賦也本於史斷志人物也與夫人品遺蹟之類不可以枚舉者咸有所本而志之也其義精其辭嚴其事核矣但於其間塗抹添註之繁不能無騰駕之訛苟弗從而斟酌損益之其何以開先達之明而解後人之惑耶由是而增益之者以其略之也疏通之者以其冗之也訂正之者以其誤之也闡明之者以其幽之也削之者以其怪誕不經也闕之者以其疑而未定也大書揭於上者提其綱也細註分于下者明其義也起丙午春三月終五月而告成焉州守任侯以完請壽諸梓而囑余序諸簡端余惟志史類亦史案也志真則史信志側爲世疑而可以苟作耶必協輿論之公以求至當之歸然後始一書焉否則浮誕亡實辭藻雖工而無所于徵矣奚以志爲蓋以萬物始生本乎天合體均育存乎地故始之

以地里地里不同元王辨物以居方故受之以建置建
置則有土斯有財有財斯有用故受之以食貨財用起
而義利形非公莫辨也故受之以官政政必有義禮以
義起故受之以典禮治民士爭神非學無以明理故受之
以學校校者較也較其賢不而登崇之也故受之以選舉
選舉者才必有所用用必有其所成故受之以人物人物
之生惟其所稟者不同則其所成者亦異故受之以人
品品以別其人之等文以彰其人之實故受之以文籍
身歸九原其論始定故以遺蹟終焉是志之成也凡其

所載者一本乎亦樂子之推自而無所于變者恐亂其真
也若夫剛繁益簡探賾訂訛自知僭逾有罪耳亦未
必無小補云然而經理則有知州任子官同知鮑子龍
焉同校則有學正王子前訓導王子廷賓父子勤學焉
采訪考索則又有生員吳子調元王子詔雷子得雨潘
子自新焉而判官喻子信更目張子善美亦皆與有焉
畫者也因併附諸末云

嘉靖丙午五月臨洮府通判海岱劉承學謹序

重修河志序

古者列國有史紀言紀事後世踵而行之幾省郡邑莫
不有志是故志史遺也吾河自昔無志郡人吳亦樂公
草創之別駕海岱劉公討論之郡伯獲鹿任公刊行焉
迨嘉靖庚申金台劉公由上黨擢河郡蒞治末期政通
人和間嘗閱志撫卷而嘆曰大觀備矣而校讐未焉蓋
志貴博而約精而詳也博者病於太濫約者病於太簡
鑿者病於弗精缺者病於弗詳均之則弗經者也弗經
則弗微弗微則弗傳其餘則不足觀也已奚貴於志迺

夙夜殫思多方采訪增其缺刪其繁補其失削其鑿詞
嚴而意正文簡而事該地里食貨則建置阜財之方正
焉官政典禮則設員定儀之制周焉學校文籍則崇儒
重道之典昭焉選舉人物則用賢尚德之化隆焉闡休
光培氣脉文獻增輝山川生色一舉事而眾善具矣請
非無易之典耶予不敏樂觀厥成故不避其僭妄云

嘉靖癸亥夏四月吉旦河州舉人朱璉書

河州志目錄

一卷

地里志

沿革

郡名

分野

形勝

疆域

風俗
新附山川水利附城池

諸德堡

橋梁

渡日附里廓關隘之寨堡城附古蹟

災異

丘墓

食貨志

戶口

貢賦
屯田物產

河州志目錄

七

世襲世刊

二卷

官政志

公署
將府衛治所

行署

秩官
府判守備

典禮志

祠祀

學校志

廟學
莊毅祠名賢謝賢祠附

選舉志

科第

歲貢
省縣義民等官附

人物志

名宦

謫宦

鄉雋

隱逸

武功

忠節

孝節

三卷

文籍志上

誥勅

詩賦

四卷


文籍志下

記銘

河州志目錄


八

世襲世刊





河州志圖
郡治圖


〇 土 住儀堂刊




河州志圖
儒學圖

〇 土 住儀堂刊






河州志圖
卷之十四
城郭圖



河源圖
卷之十四
河源圖



河州志圖
卷之十四
河州志圖



河州志序圖終
卷之十四
河州志序圖終

河州志卷之一

山海教授郡人吳禎編

河州知州金臺劉卓校刊

地里志

沿革

皇明新制河州按一統志當禹貢雍州之域古西羌地詩曰昔有成湯自彼氐羌是也秦限長城外漢為罕豪武帝滅之置罕斤縣屬天水郡後改抱罕縣屬金城郡東漢屬隴西郡獻帝建安十九年抱罕宋建反自

河州志卷之一

〇

世修室州

號平漢王曹操遣夏侯淵討復之晉惠帝時屬晉興郡丁亥漢劉耀擊抱罕降乙巳張駿復取為河州丁未後趙石虎遣麻秋攻抱罕退保大夏與大虎漢曰吾以偏師定九州今以九州之力困抱罕秦苻堅取置河州壬子乞伏熾盤自立為河南王遷都抱罕丙寅夏王勅攻秦入抱罕隋置抱罕郡薛舉起兵克之唐復為河州天寶初改為安鄉郡有鳳林關鳳林縣屬隴右道宋治平元年吐蕃木征以河州內附遂置抱罕縣隸熙河郡紹興元年金人置河州屬熙河路

出綱目 元置吐蕃等宣慰使司都元帥府

國朝洪武三年總兵官鄧愈統大兵至宣慰司何鎖南率眾歸附是年設河州衛五年又設河州府轄寧河縣七年建陝西行都司十年立河州左右二衛十二年華行都司及河州府縣調右衛立洮州衛改置左衛為河州衛軍民指揮使司隸陝西都司領七千戶所成化十年巡撫都御史馬文昇

奏改河州衛原治四十五里為河州隸臨洮府衛仍軍民指揮使司控制番夷受守備地方都指揮節制

河州志卷之一

〇

工

世修室州

郡名

抱罕隋名見一統志

史記抱罕河西地名今河州有抱罕縣音釋義載抱鼓槌警盜賊罕少也言鼓音少盜賊息又按趙充國屯田有罕斤二羌罕俗作罕斤音牽皆西羌種武帝滅之置罕斤縣據此抱罕是罕羌地罕羌語也

安鄉唐名見一統志

據輟耕錄河源圖黃河北岸有安鄉關

河湟

史記河湟二州名皆西羌地河州本漢金城郡後秦
置河州湟州本漢西平郡唐置湟州括地志云河水
出燉煌郡塞外崑崙山東注海湟水出金城郡臨羌
縣塞外至允吾縣東入河而河內故曰湟中即今西
寧是也趙充國第五策言至春循河湟漕穀至臨羌
杜甫詩云每惜河湟棄杜牧詩云猶有河湟可下鞭
可見河湟西陲要地舊作郡名者非

熙河河州二州名熙即熙州今臨洮是也河即河州
宋置熙河郡熙寧七年王韶至熙州直趨定羌進臨

河州志卷二

三

往後小志

寧河可見舊作郡名者或非見續通鑑綱目

分野

禹貢雍州之域秦隴之地天文井鬼分野見一統志
河湟入東壁三度見文獻通考舊作鶉首之次楚辭
騶菴註殆非也

形勝

洮河繞于東積石峙于西南盤靈嶺北距黃河山水
環抱宛若城池四塞之地也學士解縉詩曰鳳林瓊
樹繞清華紅杏開時酒蒲家都御史楊一清詩曰四

面峯巒鎖翠帷萬家花柳又春栽河湟賦云壯矣哉
雍州之西陲

疆域

東西相距八百六十里南北相距四百五十里至狄
道縣三渡水界東百八十里至守禦歸德千戶所生
番界西七百里至洮州衛界南二百八十里至西寧
衛界北百七十里又百九十里東至臨洮又四百里
東至鞏昌又仟四百七十里東至陝西布政司西至
生番族七百里南至洮州衛四百里北至西寧衛七
百里乃四正之境也又六百三十里東南抵岷州二
百二十里西北抵蘭州二百二十里西南抵洮州衛
番族二百二十里西北抵西寧衛老鴉山乃四隅之
境也由河南路四仟三百里由山西路三仟九百九
十里至京師路迤南幾由河南四仟餘里

風俗

人性淳篤頗循禮義勤於務農安於差役肆我

皇朝治教休明士風漸盛人物輩出婚不論財喪俱作佛

秦隴以西繁華稱首

士耻奔競抑浮華

軍民重稼穡輕商賈

尚勁悍習弓馬見一統志

頗尚浮屠不崇黃老

山川境內山川運遠最多及泉池溝渠不能勝記特載其畧

鳳凰山州東十二里形如鳳凰

積石山州西北百二十里禹貢導河自積石至龍門

兩山如削河流經其中西臨番界險如金城實係要

地隋立河源郡命刺史劉權鎮之唐李靖伐吐番經

河州志卷之一

五

積石來元立積石州洪武改為關馬番吏路經此

禹廟建于斯

石門山在舊鳳林縣見長安志

雪山州西南百五十里接洮州番界四時積雪石如

骨露一名露骨山熙寧六年木征據河州王韶克之

穿露骨山南又洮州境山徑陡峻陜隘釋馬徒行見

續通鑑綱目

牛脊山州南二十里形似牛脊見一統志

喬家山州南六十里

鷄寨山州西北百四十里其山最高屹凌霄漢

梨子山州東五十里多生酸梨

安遠坡州東南四十里驛路所經

萬頃原州北二里原上四望寬平居民稠密東西相

距八十里南北相距四十里大唐後周時名廣大原

有古志文

重臺原在郡治北萬頃原上周圍自餘里

鶯驄嶺州南五十里御史熊爵建坊今廢

分水嶺州北二百里黃河外接西寧界達磨山出沒

河州志卷之二

六

北片集註

他刺坪州北百里黃河外接茫浪界達磨山出沒

黑茨嶺州北九十里

馬廠溝州北九十里

白馬廟原州東北六十里

把什奇原州東北七十里

鎖還都原州東北九十里

太峙山州南百里接洮州番界

大山州東八十里蘭州路經此

當川坡州南百六十里臨洮路經此

樣卑川州西百里

倒埋穴山五峯翠園前有香爐臺兩傍有二峯似燭名曰蠟燭山州西四十里

焦紅嶺州西百里西寧路經此

牌樓灣州北百七十里黃河外達虜出沒

圉子溝州東百二十里其溝甚隘深數十丈長二十

里蘭州路經此

馬家灘州南百八十里接洮州界

撒刺川州西積石關外二百里夷回五族土官百戶

河州志卷之二

七

仕德堂刊

督率昔聽守備節制今設參將分守

把撒川歸德守禦千戶所去州六百里徑八十里達

虜出沒

溫泉歸德守禦千戶所去州八百里沸熱如湯

黃河州之名本於此上渡在城西百二十里船夫屬

州下渡在城北五十里船夫屬衛禹貢曰導河自積

石至于龍門入於滄海是也舊志載河源俱失其真

今據續通鑑綱目元世祖至元十七年參月遣招討

使都實西窮河源行四閱月始抵其地既還圖形上

言河出吐番朵耳思西鄙有泉百餘泓方可七八十

里沮洳散渙淖弱不勝人蹟之復高山下視燦若列

星以故名火敦腦兒譯言星宿海也群流奔轅近五

七里匯為二巨澤名阿剌腦兒自西徂東連綿吞噬

馬行一日程迤邐東為成川號赤賓河又二三日程

水西南來名亦里出合赤賓又三四日程水南來名

忽蘭又二日程水東南來名也里木三水合流入赤

賓其流浸大水尚清人可涉又二日程岐裂入九股

名也孫幹論譯言九渡又四日程水渾濁始名黃

河州志卷之三

八

仕德堂刊

河土人或抱董囊或乘馬可渡繼是兩山夾束廣可

一二里深巨淵矣朵耳思東北鄙有大雪山名亦耳

府不真刺其山最高譯言騰乞里塔即今所謂崑崙

也山腹至頂皆雪冬夏不消自九渡行二十日程至

崑崙河行崑崙之南半日程又四五日程至闊即及

闊提二地相屬又三日程經哈刺別里赤兒之地又

五六日程有水西南來名納隣哈刺譯言細黃河也

又兩日程水南來名乞兒馬出二水合流入河北行

轉西至崑崙北二日程北流少東又北流約行半月

至歸德州地名必赤里又四五日程至積石始入中國云自河源至中國六千七百餘里然其間溪澗流洛莫知紀極崑崙之西人迹罕到而山皆草石至積石方林木暢茂自積石五日程至河州安鄉關又一日程至打羅坑東北行一日程兆河水東北流入河又一日程至蘭州其下過北渡至鳴沙州過應吉里正東行至寧夏郡南東行即東勝州隸西京大同路地面自發源至漢地南北澗溪細流傍貫莫知紀極世言黃河九折彼地有二馬蓋乞兒馬出及貴德必

赤里也漢張騫使絕域羈縻拘執難厄百罹歷大宛月氏等數國其傍大國五六皆傳聞以為窮河源誤也史稱河有兩源一出于闐一出于崑崙于闐水北行出崑崙河注蒲類海不流伏至臨洮出焉今湍水自南來非蒲類明矣詢之土人言于闐崑崙水其下流散之砂磧又有言河與大河通尋源得織女織機石以歸亦妄也又云崑崙去嵩高五萬里閭風玄圃積璫華蓋似仙人所居又何妄耶唐史吐番傳河上流由河洪濟梁南二千里水益狹春可涉秋夏可乘

舟其南三百里三山中高而四下曰紫山古所謂崑崙其言頗類然即崑崙也又考陶九成輟耕錄有河源圖元翰林學士潘昂霄有志奎章學士柯九思有序并載志內

大夏河一名白水州南三里見長安志按通鑑綱目張勢通西域使大夏回此水經派大夏後越麻秋攻他罕退保大夏

湍河州東百里河東屬蘭州河西屬本州形勝曰東統湍河

洪水河州南門外

大通河州東北百八十里

廣通河州東南六十里寧河城東

牛脊河州南二十里牛脊山下

三岔河州東南百八十里

銀川河州西北六十里

樣卑河州西北百里

槐樹關河州西南六十里

老鴉關河州西北八十里

河州川東西百里南北十五里

銀川州西六十里一按續通鑑綱目宋英宗治平中
昭吳叱咤銀川古口衆數萬內附

俺哥川州北五十里旦黃河南土脉膏腴五穀茂盛果

木果常

刺麻川州東北五十里

胖哥川州東北八十里黃河外

樺家川州東南六十里貂蟬女出此

胭脂川州東南百六十里呂布胭脂馬出此

駝崗泉州南七十里駝崗麓下水清冽行人便之正統

河州志卷之二

土

仕德堂刊

間千戶吳昂建梵刹弘治間孝行縣丞王純重修

抱罕園在州治後嘉靖戊申知州蘇志舉建大門一
齋種樹俱各取義有碑記

九眼泉州東十里一泉九眼漱玉鳴琴水清冽引流

灌溉居民賴之

松明嶺靈湫州南百里山高巖峻花草芬芳有泉號

靈湫歲旱禱雨即應

駝壠秋池州西北六十里駝壠山上一泓清碧松栢

籠陰感皇禱雨風雨輒應洪武間指揮徐景達蓋國

大王廟見一統志

顯聖池州西二百里積石關外池周圍三十里池邊

松栢森聳有木一葉落於其上輒推岸上冬夏澄清

人竭誠至境即顯五彩光樣平等川遇旱禱之即應

水磨每渠有三輪二輪一輪者視水之大小也州

衛共一千八百有奇課程山水一輪二石四斗川水

四石八斗民甚不便嘉靖壬午

奏准山水磨納銀二錢四分川水磨納銀三錢六分嘉

靖乙未邊備副使馬紀

河州志卷之二

土

仕德堂刊

秦華山川輪俱徵銀一錢伍分軍民利焉楊遂菴王休

菴王僉憲俱有詩賦

水利考焉至五眼泉有古蹟永通至成化於印備都指揮康永設編次人

戶輪派洗滌百五里因開水道同流不息民咸利焉年久湮廢隆慶四年

將張美同司其事中仍舊老利開至九眼泉開渠通上下百餘里人民為旱
先年舊有舊馬於南其地二千餘

城池寨堡

州城元時逼近於北原洪武十年指揮使徐景截元

城之半展向南一里今北城後臺址猶存弘治庚申

守備都指揮蔣昂重修高其址雉深其隍也樓櫓分

布更鋪置然有碑記堅城南樓下周圍九里三分南北長二里有半東西長二里又百步四門樓相對城形勢如刀蓋取剛戎之意也城高五丈上濶三丈池深二丈濶三丈欄馬牆外馬道濶二丈高城門五居門內各置銅將軍炮兵衛旗鼓又設官庭三間左右營房二十間官軍居住以嚴警備大樓一座五間轉角飛簷三層高五丈扁曰安遠北城無門大樓一座制度同南樓內望玄帝像以鎮武風官屬朔望拜瞻傍有解學士詩扁往來名公康咏盈樓扁曰鎮邊東

城門四層所置軍器房屋同南門內大樓一座五間轉角飛簷三層高四丈扁曰平秩嘉靖乙丑御史胡明善改平秩為挹蘭西城門制度設備同東門扁曰定羌沿城樓櫓十有六座每座三間轉角飛簷二層高三丈巡更鋪二十八座每座三間梁頭千八百二十門外俱有吊橋樓中各懸閘板以絕繫之南門外關廂長五里稍門三座西門外關廂長二里稍門三座東門外關廂長百步稍門四座屬州城屬衛南關城隆慶三年知州聶守中創築延袤七里五分

高三丈濶二丈五尺南門有樓一座東西二門鋪八座塚口五百

旗樓城正中一座五間轉角飛簷三層高五丈臺高五丈即舊南門也年久廢壞銅壺滴漏寄貯州庫鐘樓改脩報恩寺內嘉靖乙未邊備副使賈明設法重建知州韓昂指揮王誥督工五間三層轉角飛簷高六丈制度增美嘉靖丙午知州任官重修煥然一新視昔有加扁曰河隄雄鎮夷夏大防碑記堅於上丁未知州錄志早扁曰旗樓州門樓三間隆慶五年知州聶守中創脩以便更鼓

關廂長一里左右稍門二座立驛遞二所今移驛於鳳林舊址所廢

大通堡州北百八十里弘治乙酉守備都指揮康永奏設東繞黃河北枕湟水地接莊浪虜寇出入最為險阻官軍常守遇冬添撥官軍五百名防守冰泮放回堡有城樓官廳營房原設本堡倉廩官櫓斗級嘉靖五年邊備副使程鵬改於河州倉內

弘化寺堡州北二百里守備都指揮康永奏設係險阻之地遇冬官軍五百名防守冰泮放回嘉

靖等年大賊時常入境搶掠嘉靖三十七年大賊深入過大通河至黑臺洮州將同河州守備統領軍馬截殺後始致河州備設將隆慶三年參將張翼預先通行河北相識地里險要虜賊出沒自大通寧道地方至西寧下川口上下八十里遇山崖剷削過溝砌石遇地築土作邊牆一道外鑿深池本年秋大賊自大通將入境參將張翼用火砲堵回

小塬坪等一十三堡隆慶四年知州聶守中奉勅合增築每堡設堡官一員凡遇烽火督其收斂人畜

或傾圮萬曆二年監收府通判脫鎬奏

增明文肯同州判趙應魁吏目郭宗仁宣脩四月陞階州守留數月事衰遂急流勇退引高致

漢武塢城東門外洪武十三年始建弘治十二年守備都指揮蔣昂重修大門三間大廳五間臺高三尺東西小廳四座每座三間將臺一座旗杆一根高五丈歸德州州西七百里七站方至即古貴德州洪武初年征西將軍沐英平納降七站洪武三年征虜左副將軍鄭愈克河州吐番思藏等部來歸者甚衆四年指揮寧正撥官軍二百名備禦九年征西將軍窮追番部至崑崙山斬首數多見名臣錄路道疏通奏設必里一衛分二十一族

頒賜金牌二十一面爲符每牌刻印字號上書不信者斬

留半因府承爲信記每年各放易馬俱聽河州守備招調今改參將領之末樂四年丁都指揮使劉釗

奏調中左千戶一所歸德居住守禦仍隸河州衛委指揮一員守備

比四年添設巡按御史招番易馬每年調易一千七百有奇必里衛軍牌指揮二員頭目

二名掌牌千五二員頭目五名軍牌百戶十四員頭

目十四名鎮撫一員

七站

三岔計來邊多保安清水每站馬八匹軍五名俱在積石關外長寧銀川在關內歸德地方多水田花果蔬禾鳥獸魚鼈不異中華

馮家堡黃河北七十里守備都指揮康求

奏設係險阻之地遇冬官軍三百名防守冰泮放回

橋梁

大夏橋州西三里共五十五空水泛漲多衝沒正德

丙寅知州三六旋重建嘉靖辛卯知州任德芳重修庚戌知州李相喬增修壬戌知州劉卓修橋梁有記

嘉靖有記橋梁有記

右丞橋州東二十里

摺橋州東一十里兩岸禹鑿石蹟尚在弘治辛酉指

揮姚震書建水漲衝沒正德庚午指揮康宏重修嘉

靖壬辰年備杜茂仍脩

洩湖橋州東三十里禹未疏鑿時河州即湖也既鑿

導水入史河故名兩岸石鑿禹跡猶存以上俱大夏水

永濟橋州西一里成化丙午守備康求建

南門橋在南門外嘉靖乙未猛水高起數丈衝沒指

揮金吾董脩

寧河橋在寧河城下廣通河上共二十空

銀川橋州西四十里共二座

黃河上汛在積石州通西寧道路官船二隻水夫二

十名

黃河下汛以在刺麻川蓮花寨迎莊浪路宋築安鄉關

夾河立保三以護浮梁今廢止設千戶一員每年守把

嘉靖辛酉知州劉卓議申院道勅支官銀造船二隻編餉水夫六名以便往來

洮河渡口在梨子山下通蘭州路嘉靖壬午御史劉

紳設船一隻水夫四名屬州嘉靖癸未御史盧問之

設立公館一所迎送稱使

里廓

大市即糧貨市也五穀充積貿易至午而散在城中

中市即畜類市也六畜咸集貿易至午而散在城中

小十字街

南關市客店一十八座四方商賈居焉

寧河鎮州南一十里居民五百餘家弘治乙卯立市

每三日一聚

定襄鎮州南二十里居民五百餘家弘治乙卯立